

# Des Ehrwürdigen

ii

Luthers / Warhaftige Ankunft / Leben vnd Ende.

**E**r wissen wolt / wer Luther wer /  
Von wannen er wehr kommen her /  
Wie er sein leben hat gefürt /  
Allhie er des berichtet würd.  
Zu welcher zeit / in welchem Jar /  
Vnd auch darzu wie alt er war.  
Gezogen ist er in die Stedi /  
Manche schöne predigt darin thet.  
Dardurch Gottes wort vnd reine Lehr /  
In deudsch Land ist gewachsen sehr .  
Vnd der Missbrauch gefallen gar /  
Der vor in allen Kirchen war.

ANNO CHRISTI.

1483



Doctor Martin der Hochgelart /  
Zu Eissleben geboren wart .  
Vnd da er alt war vierzehn Jar /  
Zu Magdeburg ein Schüler war.  
Darnach er zu Erfurt studiert /  
In Magistrum er promoviert .  
Zu Erfurt in ein Kloster kam /  
Augustiner Orden an nam .  
Gen Wittenberg schickt in der Ordin /  
Da ist er ein Professor wordn :  
Hernachmals auch zu Neylandt war /  
War alt sieben vnd zwenzig Jar .  
Im Jar hernach / so bald zu hand /  
War er zu Rom ein Monat lang .  
Darnach er auch empfangen hat /  
Zu Wittenberg sein Doctorat .  
Wider den Ablos er da lernt /  
Des Babsts gewalt er ganz umbklert .  
Must darumb zu Augspurg für stan /  
Vorm Kaiser Maximilian .  
Vnd auch vor des Babsts Hochgelarten /  
Die aldo seine Lehr verhorten .  
Zu Leipzig in der Fürstlich Stad /  
Mit Ecken disputiret hat .  
Zu Wurmes auch auff dem Reichstag /  
Bekand sein lehr on alle zag .  
Vor Kaiser Karl auch des gleich /  
Darzu vorm ganzen Römischen Reich .  
Darnach die Katharin von Bohrn /  
Hat er jn zu eim Weib erkorn .  
Vnd sie genomen zu der Ehe /  
Das that manchem Papisten wehe .  
Im Sacrement der Zwingel ijt /  
Mit ihm zu Marpurg disputirt .  
Das rein Gottes wort gepredigt hat /  
Zu Leipzig nach Herzog Sörgn tod .  
Darnach seliglich zu Eissleben  
Beschlos er sein zeitliches lebn .  
Jung vnd auch Alt in hoch beklagt /  
Sein Leib gen Wittenberg ward bracht .  
In der Schlosskirch begraben ist /  
Ruhet sich in JHESB CHRISE !  
Den er gelert hat vnd bekend /  
Gott geb uns auch ein seligs End .

Seins Alters.

1 4

2 0

2 4

2 5

2 7

3 4

3 5

3 5

3 6

3 8

3 8

4 2

4 2

4 6

5 6

6 3